



UNIVERSITÄTS-
BIBLIOTHEK
PADERBORN

**Selectae Christiani Orbis Deliciae ex Urbibus, Templis,
Bibliothecis, et aliunde**

Sweerts, Pierre François

Coloniae Agrippinae, M. DC. IIX.

Veneta.

[urn:nbn:de:hbz:466:1-69234](https://nbn-resolving.org/urn:nbn:de:hbz:466:1-69234)

SENARIJ INFRA SCRIPTI

Videbis hospes huc parum attollens caput,
 Inscriptus iste quid velit lapis sibi.
 Recenset illam nempe cladem maximam
 Galli atq; Iberi exercitus, AEmilianam
 Quae penè totam maculauit sanguine.

IN QUARTO LATERE VERSVS Fo-
 rum Liuji.

Hinc post cruentam Gallorum victoriam GA-
 STONE perempto, Hispanorum reliquæ euaserunt.
 Postremò capitur Rauenna à victoribus, ac deri-
 pitur. Abi.

INFERIUS.

Gesta fuerunt hæc prid. Id. April. anno à partu
 Virg. supra sesquimillesimum duodecimo. Iul. II.
 Pont. Max. Christianam Rempubl. gubernante.



V E N E T A.

IN VENETIAS IUL. CAES.
 SCALIGER.

Rerua Barbaricis tellus OEnotria turmis
 Pertulit impositi pondera dira iugi.
 Ipsa suos fleuit populares Roma Quirites:
 Sensit & indomita noxia tela manus.
 Haud tulit hoc Genius: cuius fatalibus ausis
 Tutior in medio Roma renata mari est.
 Clara virum virtus animo: insatiata cupido
 Imperij: vasta non numerantur opes.

Iuppi-

*Iuppiter, haud temerè tua sunt ita distita cœli
Mœnia, si possunt tangere; parte cares.*

IN EASDEM SANNAZARIUS.

*Viderat Adriacis VENETAM Neptunus in oris
Stare urbem, & toto ponere Iura mari.
Non mihi Tarpeias, quantumuis Iuppiter, arces
Obijce, & illa tui mœnia Martis, ait.
Si pelago Tybrim præferes, urbem aspice vtramq̃:
Illam homines, dices, hanc posuisse Deos.*

DIALOGVS AD S. MARCVM.

*A. Dic antique senex, Veneta quis conditor vrbi?
B. Iuppiter. A. Vnde arces? B. Attica. A. Scor-
ta? B. Venus.
A. Mœnia? B. Neptunus. A. Nummi? B. Dis.
A. Bellica? B. Mauors.
A. Artes? B. Mercurius. A. Iura? B. Miner-
ua dedit.*

*Non mirum est, si aliis inter caput extulit vrbeis,
Quam tot caelestes composuere Deæ:
Quin cum tot simul hanc, solus Vulcanus Olympi
Sedes; hic credo cesserit aula Ioui.
Verum ego cum possem calum conscendere, dixi:
Mutato hic potius corpore, marmor ero.*

IN PALATIO CONSILII
MAGNI.

*Omibus, qui patriam conseruarint, adiuue-
rint, auxerint, certum est, esse in cœlo definitum
locum, vbi beati æuo sempiterno fruuntur. Quod
quidem*

quidem in terris fiat acceptius, quàm concilia cœ-
tusque hominum iure sociati, qui ciuitates appel-
lantur; hac etiam in rectores & conseruatores coe-
lo profecti illuc reuertantur. Auersemini igitur
vitia, colite virtutes; ad rectas opes animum sub-
leuate; humiles preces in excelso porrigite. Ma-
gna vobis est, si dissimulare non velitis, necessitas
inclytæ probitatis, cum ante oculos agitis Iudicis
cuncta cernentis.

INSCRIPTIO BIBLIOTHECAE.

BESSARIONIS Cardin. ex leg. Senatus iussu,
Procuratorum D. Marci cura Philippi Tromo, An-
tonij Capillo, Andrea Leono, Victoris Grimano,
Ioannis à Lege Equ. Bibliotheca instructa & ere-
cta. M. Anto. Triuifano Principe ab vrbe condita
M. C. XXXIII.

ANTE DVCIS PALATIUM.

HENRICVS III. Gallia Rex, & I. Polonia
Christianiss. accepto de immatura Caroli IX. Gal-
liae Regis fratris coniunctissimi morte tristi nun-
tio; è Polonia in patriam, ad ineundum Regnum he-
reditarium properans, Venetias anno salut. M. D.
LXXIII. XIV. Calend. Augusti accessit: atque ab
Aloysio Mocenigo Sereniss. Venetorum Princi-
pe & omnibus huiusce Reipub. ordinibus, non
modò propter veteris amicitiae necessitudinem,
verum etiam ob singularem de ipsius eximia virtu-
te atque animi magnitudine opinionem, magnifi-
centiss. post hominum memoriam apparatus, atque
alacri Italiae propè vniuersæ summorumq; Prin-
cipum præsertim cœcuru, exceptus est. Ad curas res
memo-

memoriam sempiternam, Senatus hoc monumen-
tum fieri curavit, Arnoldo Ferrerio Secretioris ei-
Consilij particeps: Regio apud rempub. Legato id
etiam postulante.

AD TRIBVNAL TRIVMVIORVM
REI AQVARIAE.

Venetorum vrbs, diuina disponente prouiden-
tia, in aquis fundata, aquarum ambitu circumse-
pta, aquis pro muro munitur. Quisquis ergo quo-
modocumque detrimentum aquis publicis in-
ferre ausus fuerit, & patriæ hostis iudicetur nec
minore plectatur poena, quam qui sanctos patriæ
muros violasset. Huius edicti ius ratum perpetuum
que esto.

IN D. MARCI AEDIS VESTIBVLO.
BARTHOLOMAEI GRADENIGÆ
DUCIS LII.

*Moribus insignis, recti basis, indole clarus,
Clarius & meritis, Patriæ seruator honoris,
Clauditur hoc tumulo, Gradenigus Bartholomæus,
Dux fuit is Venetum, quarto defunctus in anno.*

Obijt anno M. CCC. XXXIX.

VITALIS FALERII DVCIS XXXI.
OBIIT ANNO M. LXXXIV.

*Moribus insignis, titulis celeberrime dignis,
Cultor honestatis, dux omnimodæ probitatis,
In commune bonus, bona semper ad omnia pronus,
Publica conseruans, meliora bonis coaceruans,
Dum veterum benè gesta nouas, plus reddis honesta,
Cuncta*

Cunctaq; iucundè faciens, das semper abundè,
 Ut fieret plenus quicumq; veniret egenus, (quæ
 Plus quoq; longinquos refouens, quã carne propo
 Vita fuit cuius patria tremor hostibus huius,
 Reddens tranquillos hos lingua, viribus illos,
 Cuius erat scire & populos propace subire.
 In quocunq; forent expendia siue labores
 Decretis legum mentes suspendere regum,
 Ut fieres horum rex, & corrector eorum,
 Fama super Cedros cuius dedit ire Faledros,
 Christi natalis per agis dum festa Vitalis
 Duceris ad funus, factus dolor omnibus vrus.

 LANCINI CVRTII.

En virtutem mortis insciam.

Viuet LANCINVS CVRTIVS

Saculaper omnia.

Tantũ possunt Camœna!

 IN AEDE SS. IOANNIS ET PAULLI

ANTONII VENERII DVCIS LXI.

Quisquis ad insignem tumulum tua lumina flectis,
 Ingentem, cuius cineres hac marmora seruant,
 Contemplare Ducem; Princeps hic ille per omnem
 VENERIVS famã volitans ANTONIVS orbem,
 Qui tribus hanc urbem lustris, totidemq; per annos
 Rexerat, æternis signans ea tempora fastis.
 Tarvisina sua, Castella & mœnia, patri
 Reddita, Dyrrachium, Corcyraq; & oppida forti
 Plurima parta manu; pœnas sibi sumpsit ab illo,
 Quem genuit, nomen metuit dum perdere iusti.

Ipsi ut clarum micuit clementia sidus.
 Reddidit Vngarica Regina sceptrum suorum
 Rapta dolis: ne triste iugum, Furlane, subires
 Obstitit: Italicam pacavit multa per oram
 Turbida: post terris abiens, sese intulit astris.
 Mille quadringentis Christi cedentibus annis,
 Instatit atra dies, vigesima trina Nouembris.

MICHAELIS MAUROCENI
 DVCIS LX.

Inclita vitalis, Michael, quem duxit in auras
 Maurocena Domus, Venetum Dux, cuius ingens
 Spes erat, alta parans; intercipit ardua fatum
 Cæpta Ducis: virtute potens, fuit ensis acutus
 Iustitia, heu moriens patria per secula luctus!
 Qua cinis est, iacet hic; mens gaudet, fama coruscant.

LAVRENTII, ET IACOBI TEPU-
 LI DVCVM.

Quos natura pares studiis, virtutibus, arte,
 Edidit illustres, genitor, natusq; sepulti
 Hac sub rupe Duces Venetum, clarissima proles
 Teupula, collatis dedit hos celebranda triumphis.
 Omnia presentis donavit prædica templi,
 Dux IACOBVS valido fixit moderamine leges
 Orbis, & ingratum redimens certamine Iadram,
 Dalmatiosq; dedit patriæ post Marte subactos.
 Graiorum pelago maculavit sanguine classes,
 Suscipit oblatos Princeps LAVRENTIVS Istros;
 Et domuit rigidos ingenti strage cadentes
 Bononia populos; huic subdita Seruia cecit.

*Fundauere vias pacis, fortiq; relicta
Re, superos sacris petierunt mentibus ambo.*

THOMAE MOCENIGI DVCIS LXIII.

*Hac breuis illustri MOCENIGA ab origine
THOMAM*

*Magnanimū tenet vrna Ducē, grauis iste, modestus,
Iustitia princepsq; fuit, decus ipse Senatus
AEternos Venerūm titulos super astra locauit.
Hic Teucrum tumidam deleuit in aquore classem,
Oppida Taruisi, Ceneta, Feltriq; redemit,
Vngaricam domuit rabiem, patriamq; subegit,
Inde Foriulli, Catarum, Spalatumq; Tragunam,
AEquora piratis patefecit clausa peremptis,
Digna polum subijt patrijs mens fessa triumphis.*

IN SACELLO VICINO.

NICOLAŌ VRSINO, Nolæ Petilianique
Principi longè clarissimo, Senensium, Florentini
populi, Sixti, Innocentij, Alexandri Pontif. Maxi.
Ferdinandi Alphonſique iunioris Reg. Neapolit.
Imperat. felicissimo, Veneræ demum Reipublicæ
per xv. annos magnis clarissimisq; rebus gestis,
nouissimè à grauissima omniū obsidione Patavio
conseruato, virtutis ac fidei singularis, Senatus V.
M. H. P. P. Obijt ætatis LXVIII. M. D. IX.

IBIDEM.

Imperator, Ductor, eques, milesq; : DIO-
NYSI NALDI conduntur hic ossa. Hic iuniorem
Ferdinandum, regno à Gallis pulsum, restituit
Florentinam rempubl. peditatui præf. pec. orna-
uit

uit: Venetis Imperij dignitatem sustinuit, fide, ac fortitudine incomparabili, inter alios Duces perditum præfectus, Patavium seruauit. Moriens ex nimijs vigilijs, hoc virtutis suæ perpetuum monumentum; clarissimo Lauredano principe, ex amplissimi Senatus autoritate meruit. Obijt ætat. anno XLV. Anno M. D. X.

PASCHALIS MARIPETRI
DVCIS LXV.

PASCHALIS MARIPETRVS P. maximis Reip. Senatoribus bonitate & eloquentia semper par, religionis, ac rerum vsu nulli secundus: & cum ijs laudibus in ciuitate excelleret, in locum Francisci Foscarei; adhuc viuentis, à patribus suffectus, quod antea domi debilitatum erat, sua autoritate in pristinum statum diuinitus restituit. Vixit in Princip. annos IV. Mens. VI. Dies VI. Obijt M. CD. LXI.

IBIDEM;

Ex hostium manubijs.

PETRO MOCENIGO, Leonardi F. omnibus non minus optimi, quam eloquentissimi Senatoris muneribus domi forisque functo, maris Imperatori: qui, Asia à faucibus Hellesponti vsque in Syriam ferro ignique vastata, Caramanis regibus, Venetorum locijs, ab Otthomanno oppressis, regno restituto, piratis vndique sublatis, Cypro à coniuratis non minori celeritate, quam prudentia recepta, Scodra ductu & auspicijs suis obsidione liberata; cum Rempub. feliciter gessisset; absens Marci Procurator, inde Dux grato Patrú cōsensu;

creatus est; Ioānes tertius ab hoc Dux, & Nicolaus Mocenigi fratres pientissimi B. M. D.

Vixit annos LXX. Mensis I. Dies XX. Obijt non sine summo populi gemitu, Ducatus sui anno primo, Mense secundo, die decimaquinta. Anno salutis M. CCCC. LXXVI.

 IBIDEM.

DUX IOANNES MOCENIGVS, Thomæ patrui, & Petri fratris Ducum secutus vestigia, bellum Ferrariense inuitus gessit, & Rodigij peninsulam adiecit Imperio, pacē coluit, Remp. Venetam administravit, iustitia, probitate & prudētia, Dux opt. & amantiss. Reip. habitus est.

L. F. P.

Obijt anno M. CD. LXXXV. Vixit annos LXXVI. Dux annos VII. Menses VI.

 IBIDEM.

LEONHARDVM PRATVM, militem fortissimum, & ex prouocatione semper victorem, præfectam Ferdinādi Iunioris & Federici Regum Neapolitanorum, ob virtutem terrestribus navalibusque prælijs felicissimum, magnis clarissimisque rebus pro Veneta Republ. gestis, pugnantem ab hoste cæsum, Leonhardus Lauredanus Princeps, & amplissimus ordo Senatorius, prudentiæ & fortitudinis ergo statua hac equestri donandum censuit.

I N S.

IN S. SEBASTIANI.

NICOLAUS CRASSVS forum primùm, nauigationem deinde secutus, ab aduersa fortuna, fortunis omnibus spoliatus, ad forum iterum reuersus, hunc postremò locum laborù omnium, & miseriarum quietem sibi, & posteris P. anno M. D. LXIII.

D. O. M.

MARCUS ANTONIVS Triuifanus P. integer vitæ, & paterna virtute ac gloria semper clarus, omnibus honoribus egregiè perfunctus, à patribus, inuito ipsius genio, Princeps cooptatus, cum annum Rempubl. sanctè gubernasset, religionis amantissimus, dum sacris in imaginum aula interesset; nulla ægritudine, flexis genibus, in gremio Patrum moriens migravit in cælum beatissimus M. D. LVI.

AD S. FRANCISCVM.

MARCO ANTONIO MAVROCENO, Equiti, & Procuratori, viro eloquentiss. rerum doctrinâ, ciuilibus negotijs, & bellica virtute Clarissimo. qui cum omnia ornamenta, quæ in rep. sunt amplissima, virtute adeptus esset, maiorib. tamen semper dignissimus est iudicatus. Legationes innumeras maximasque sapienter fortiterque gessit, repressa præsertim apud Maximilianum Imp. quorundam Legatorum temeritate. Legatus in castra Imperatoria, omnia munia feliciter obiit.

In subrico bello Magister Equitum designatus, mira celeritate transmissis Abdua, se Gallorù Regi coniunxit, & Ludouicum Sfortiam victoria spe

K ; iam

iam exultantem armis regnoque spoliavit.

Cremonâ captâ, Mediolani Principis insignibus
potitus, ea suis ædibus affixit, quæ & suæ virtutis,
& præclaræ victoriæ posteris monumenta essent.

Exacta iam ætate, dum videt totam Europam ar-
mari contra Remp. & luctuosi belli præcidere cau-
sas contendit, diuino consilio è vita discedit, ne
urbem, quam auctam Imperio, & potentem opibus
reliquerat, paulò post multis cladibus afflictam
videret. Obijt an. Salutis M. D. IX. VI. Idus Apri-
lis, omnium ferè suorum bonorû Syluestro Mau-
roceno Ioan. F. Q. S. M. & ab eo vno semper ex ea-
dem familia vsufructu legato. Vixit ann. LXXV.
Procuratores S. Marci POSS.

IN AEDE S. SALVATORIS.

FRANCISCVS VENERIVS Princeps, Prisce
maiorum virtutis, ac disciplinæ verè imitator, nul-
lo nec adumbratæ laudis stimulo, nec priuatæ vi-
litis errore vnquam permotus; in regêdis popu-
lis summæ clementiæ, in dicenda sententia Sena-
toriæ grauitatis, pacis & cõcordiæ amantissimus,
in omni sermone sapientiss. semper, in principatu
nihil præter ornamentum Principis, quod est ius-
tum imperium, pulcherrimû liberis, ciuibus ex-
emplum. Vixit annos LXVI. D. IV. In principa-
tu annos II. D. XXII.

Vide Franciscum Sansouium de Venetorum Ducibus.

AD MONVMENTVM SERVLCRI
SALVATORIS, SIMILE
Hierosolymitano.

Hoc mirum spectetur opus compagibus auctum.

Rupr

Rupibus artificio saxa reuulsa manu.
 Gens Mausoleum fileat vesana sepulcrum,
 Quod fuit & Domini, Martia Roma, tui.
 Illa duo congesta viris monumenta fuere;
 Hoc Christo tanta male paratur opu. (Etor,
 Quanto homini superum prestat Rex summus & au-
 Tanto hoc est alijs clarius, & melius.

IN CRYPTA EIVSDEM.

Quis iacet hic? rerum Dominus. cur morsus acerbo
 Funere? quo lectis gentibus astradaaret.

IN S. STEPHANO

IOSAPHATO, scientiæ bonorum amico, vitio-
 rum hosti acerrimo, qui eloquentiam verè Roma-
 nam, bonasque artes Venetam iuventutem per
 multos annos docuit; ac tandem pietate ac inno-
 centia clarus, annum agens quintum & octogesi-
 mum, ex nullo nisi senectutis, & oculorum imbe-
 cillitatis morbo infirmus, placidè cum familiari-
 bus loquens, naturæ concessit: filij innocentissimi
 posuere.

MARINVS GEORGIVS.

Philosophus, Orator, Senator clariss. qui propter
 optimarum artium studia fuit tota in Italia, exte-
 risq; gentibus summo honore ac nomine; Legatus
 innumerabiles prouincias obiit, domi forisque
 magistratus amplissimos, quosque facillime ade-
 ptus est, & summa cum laude gessit; inter quos ca-
 ptius pro republ. factus, in diuturnam valetudi-
 nem cum incidisset, leges Vrbanas ex S. C. corri-
 gens, lugente ciuitate, extinctus est, H. S. M. quod

Helena Maura vxor sequatur T. F. V. vixit annos
LXVI. Obijt M. D. XXXII.

LAVRENTII ROCCHAE.

Qui Reip. in administratione versamini, & ad
amplissimos in ea gradus ritè contenditis, LAV-
RENTI ROCCHAE, Vlyssis Doctoris F. magni
Venetorum Imperij Cancellarij vitâ vobis imitan-
dam proponite : Nam cum virtutes ipse reliquas,
quarum cultor vsquequaq; studiosissimus exstitit,
ea semper bonitate & innocentia decoraret, vt sui
ordinis Principatum incredibili omnium consen-
su fuerit consecutus, annos LXX. iam natus, è te-
nebris in lucem excedens, certissimam veræ gloriæ
& honorum adipiscendorum cunctis rationem de-
claravit : Georgius Stephanus nepos gratiss. P. O. S.
v. Id. Iunij M. D. LIX.

CONTARENORVM.

Siste, quisquis es, gradum, & cineribus nobilium
CONTARENORVM ritè saluere iussis, Felix
abito.

*Cum venerit dies Domini, in misericordia eius
egrediemur.*

IN MAGNA MINORVM AEDE.

FRANCISCI FOSCARI DUCIS LXIV.

Accipite, ciues, Francisci Foscari vestri Ducis im-
maginè. Ingenio, memoria, eloquētia, adhæc Iusti-
tia, fortitudine animi, si nihil amplius, certè sum-
morum Principum gloriâ æmulari contendit : pie-
tati erga patriam meæ satisfeci nunquam: maxima
bella pro vestra salute & dignitate, terra marique
per

per annos plusquã triginta gessi, & summa felicitate confeci: labantem suffulsi Italiã libertatem: Turbatores quietis compeſcui: Brixiam, Bergomum, Rauennam, Cremam, Imperio adiunxi vestro; omnibus ornamentis patriam auxi; pace vobis partã: Italiã in tranquillum fœdere redactã, post tot labores exhaustos, ætatis anno LXX XIII, Ducatus quarto supra tricesimum, salutisq̃ue M. CCCC. LVII, Kal. Nouemb. ad æternam requiem commigraui. Vos iustitiam, & concordiam, quod sempiternum hoc sit Imperium, conseruate.

IBIDEM.

NICOLAI THRONI DVCIS

LXVII.

NICOLAUS THRONVS, opt. ciuis, optimus senator, optimus Aristocratia Princeps fuit. Quo felicissimo Duce florentissima Venetorum Resp. Cyprum Imperio asciiuit, cum Rege Parthorum contra Turcum socia arma coniunxit; fraudatam pecuniam, viua illius effigie, resignauit, cuius innocentissimis manibus hanc meritam diuini operis molem Philippus filius perenni æternitate posuit.

IOANNI MAGIO,

Puero incomparabili: qui ob imperitiam obstetricis ex vtero statim translatus est ad tumulum, die XXI. Decemb. M. D. XXII.

BERNARDI PRIOLI PATRIT.

VENETI.

*Sanguine clarus eram, & natis, & coniuge felix,
Nobilis & patria, gratus & officijs.*

K S

Littere

*Littore ab Aegypti, gemmarum diues, & auri,
Dum redeo, infani me rapit vnda maris.
Pone modum votis peregrina ad littora tendens,
Perfringet curas nam breuis hora tuas.
Ventorum flatus non omnis nauita callet,
BERNARDI exemplo discere (disce) potes.*

VRBANO BOLZANIO BEL-
LVNENSI

Minoritanæ familiæ sacerdoti, summæ integri-
tatis & innocentia, qui Græcas litteras extorret
iam pridem, & procul à terra Italia exulantes no-
bis summa tum dicendi, tum scribendi lau-
de princeps asseruit, PIERIVS VALERIANVS
BOLZANIVS ex fratre N. institutionis educa-
tionisque memor POS. Vixit ann. LXXXI. M.
III. dies XII. In voluntaria paupertate feli-
cissimus, in omnes, quoad potuit, semper of-
ficiosus, nulli vnquam iniurius, locum prae-
ptori maiorum suorum concessere Cornelij Pa-
troni.

IBIDEM.

PIERIO VALERIANO BOLZANIO Bellu-
nensi, eius si negotia diu apud summos Pontifi-
ces curata noris; nihil eum vnquam legere, ne-
dum scribere potuisse, dicas: si quæ multa tam
docta scripserit, inspicias; nulli hominum otia
quietiora contigisse iudices. Ioannes Cornelius
Fantini Patritij Veneti F. & fratres locum amico
suo intimo vnanimes concess.

FRAN-

FRANCISCI BARBARI.

*Si quis honos, si fas, lacrumis decorare sepultos,
Flete super, mæstisquæ locum complete querelis,
FRANCISCVS, cui prisca parem vix sæcla tulerunt,
BARBARVS hic situs est, lingua decus omne Latina.
Fortia facta viri, pro libertate senatus,
Brixia, quam magno tenuit sudore, fatetur.
Hic summi ingenij scriptis monumenta reliquit,
Græcæquæ præterea fecit Romana, tenet nunc
Spiritus astra, sacros tumulus complectitur artus.*

IN S. MARIA LVBANICA,
vel ZEBENIGO.

SEBASTIANI FOSCARINI.

Accipite, Veneti ciues, quod est optimum in
rebus humanis, humanas res contemnere. Vixi
Reipubl. quamdiu potui; mihi certè parum: & hic
vno ictu extincto.

IN S. LVCÆ.

AETERNO NUMINI, SVPERISQ. OMNIB⁹.

Siste viator, nec Manes ledito.

Quod fuisti, fui. non es quod sum.

Vt me vides, te alij fortè videbunt breui.

Incerta certi fati hora;

Numen ergò semper time.

GVILIELMVS SVVEERTIVS FRANC. F.

domo Antuerpiã,

ad maiora natus,

præclara spondente indole, atque industriã,

in ipso ætatis flore

migrauit, vnde venerat.

FRANC.

FRANC. SVVEERTIVS Fratri carissimo contra votum Pos.

Obijt anno M. D. XCIIII. XI. Martij.

Tubone, bonum votum, hoc & mortuus rogat, adde, & VALE.

*Surrectas vicisti Alpes, atque vrbis aquosa
Murmura. Fatales cur fugis ante minas?*

IBIDEM.

EPI TAPHIVM HONORARIVM.

Condit ARETINI cineres lapis iste sepultos,

Mortales atro qui sale perficit:

Intactus Deus est illi, caussamque rogatus,

Hanc dedit: ille, inquit, non mihi notus erat.

AD MICHAELIS.

Lector, parum subsiste: rem miram leges.

Hic Eusebij HISPANI monachi corpus situm est,

Vir vndecumque qui fuit doctissimus:

Nostraque vita exemplar admirabile.

Morbo laborans sexdecim totos dies,

Edens, bibens nil prorsum, & vsque suos monens,

Deum adiit. hoc scires, volebam. abi, & VALE,

Anno Domini M. D. I. X. Februar.

ætatis suæ LI, sacrae militiæ XVI.

M. A. COCCII SABELLICI

TVMVLVS.

Quem non res hominum, non omnis ceperat ætas

Scribentem, capit hæc COCCION vrna breuis.

L A T O M I.

Magnus in hoc tumulo iacet ille SABELLICVS, orbis

Cuius

*Cuius ad ingenium non satis vnus erat.
Tempora per modicis incluserat omnia chartis,
Seruire exemplo qua potuere aliquo.
In Venere incerta tamen hic contabuit: atque
Maluit Italicus Gallica fatapati.
Quid iuuat, humanos scire atque euoluere casus,
Si fugienda facis, & facienda fugis?
Obijt anno salut. humanæ M. D. VII. ætatis
ferè LXX.*

IN VESTIBVLO D. GEORGIL

*Terror Græcorum iacet hic, & laus Venetorum,
DOMINICVS MICHAEL, Quem tenet
Emmanuel.
Dux probus, & fortis, quem totus adhuc colit orbis;
Prudens consilio, summus & ingenio.
Istius acta viri declarat captio Tyri,
Interitus Syria, mæror & Vngaria.
Qui fecit Venetos in pace manere quietos:
Donec enim vixit, patria tuta fuit.
Quisquis ad hoc pulcrum venies spectare sepulcrum,
Cernuus ante Deum flectere propter eum.
Anno Domini M. C. XXVIII. Indictione
VII. Obijt DOMINICVS MICHAEL
Dux Venetiæ.*

IN AEDIBVS PHILOLOGIANIS.

*Θώμας Φιλόλογος ὁ ραβεννάτης, ὁ τὰ τῆς οὐκ ἐμ-
νης γυμνασίου βοιωτίας, ῥώμης, παταβίς Ἑφία λαμ-
πεύουσα, ἀνήγειρεν. ἔτει ἀπὸ κτίσεως κόσμου ΖΞΒ.
Thomas Philologus Rauennas Physicus, ære
honestis laboribus parto, ædeis primùm Paduæ
virtu-*

virtuti; post has, senatus permisso, pietati erigi fecit: illas animi, has etiam corporis monumenta.

Anno Mundi V I M. DCC. LIII.

Iesu Christi M. D. LIII.

Vrbis M. C. XXXIV.

IN S. MARIA NOVA.

Sunt Charitum hi tumuli? Charitum sunt, non tamen hic est

Sola Charis, sed & hic ipsa sepulta Venus.

Sunt tumuli hi Veneris? Veneris sunt, nō tamē hic est

Sola Venus, sed & hic ipsa Minerua iacet.

Hicne Minerua iacet? iacet hic, sed nō tamē illa hic

Sola iacet, sed & hic casta Diana iacet.

Ergo etiam periere Deae? dubitasne perisse

Ipsae Deae, potuit STLVIA si ipsa mori.

AD CISTERNAM.

Parcior è calo quum quis descenderit imber,

Hic erit, ingenti quod leuet ora astiti:

Nec tantum hoc hominum potuit solertia; verum

In medio dulces aquore seruat aquas.

TARVISII.

A Vrelij Augurelli imago est, quam vides;
Vni vacantis litterarum serio

Studio, & iocoso, dispari cura tamen:

Hoc, vt vegetior sic fieret ad seria:

Illo, vt iocosis vteretur firmior.

VICE.